

Bosna i Hercegovina  
Federacija Bosne i Hercegovine



Босна и Херцеговина  
Федерација Босне и Херцеговине

**KANTON SARAJEVO**  
Ministarstvo prostornog uređenja,  
građenja i zaštite okoliša

**КАНТОН САРАЈЕВО**  
Министарство просторног  
уређења, грађења и заштите околиша

Bosnia and Herzegovina  
Federation of Bosnia and Herzegovina

**CANTON SARAJEVO**  
Ministry of Physical Planning Construction and  
Environmental Protection

Broj: 05-04-7569-7/20 III MG  
Sarajevo, 24.03.2020. godine

**SKUPŠTINA KANTONA SARAJEVO**  
n/r Mirza Čelik, predsjedavajući  
- ovdje -


**PREDMET:** Odgovor na zastupničku inicijativu zastupnice Segmedine Srna Bajramović

Zastupnica Segmedina Srna Bajramović na 22. Radnoj sjednici Skupštine Kantona Sarajevo, održanoj dana 11.03.2020. godine, u okviru tačke Dnevnog reda „Poslanička/zastupnička pitanja, inicijative i odgovori“, a u skladu sa članom 213. Poslovnika Skupštine Kantona Sarajevo, pokrenula je zastupničku inicijativu:

“Na osnovu člana 213. Poslovnika Skupštine Kantona Sarajevo podnosim inicijativu da Vlada KS i Ministarstvo prostornog uređenja, građenja i zaštite okoliša poduzmu korake na izradi baze podataka zagađenih područja sa GIS mapama prema EU INSPIRE Direktivi na području Kantona Sarajevo.”

**ODGOVOR:**

Osnivanje i održavanje infrastrukture prostornih podataka Federacije Bosne i Hercegovine (IPP FBiH) uređeno je Uredbom o infrastrukturi prostornih podataka Federacije Bosne i Hercegovine (“Službene novine Federacije BiH” broj 85/14). IPP FBiH se osniva i održava u skladu sa Direktivom EU – Infrastructure for Spatial Information in the European Community – INSPIRE i drugim standardima. INSPIRE direktiva se provodi na temelju postojećih podataka zemalja članica i pristupnica i ne zahtijeva novo prikupljanje podataka, već harmonizaciju postojećih.



web: <http://mpz.ks.gov.ba>  
e-mail: [mpz@mpz.ks.gov.ba](mailto:mpz@mpz.ks.gov.ba)  
Tel: + 387 (0) 33 562-029,  
Fax: + 387 (0) 33 562-031  
Sarajevo, Reisa Džemaludina Čauševića 1




U skladu sa pomenutom Uredbom, Federalna uprava za geodetske i imovinsko-pravne poslove osniva, održava i upravlja Geoportalom IPP FBiH. Osnivanje i održavanje prostornih podataka IPP FBiH u nadležnosti je subjekata IPP FBiH. Za korištenje prostornih podataka zaključuju se sporazumi o razmjeni, pristupu i korištenju prostornih podataka između subjekata IPP FBiH, a za njegovo funkcionisanje utvrđuju se mehanizmi koordinacije i nadzora nad procesima i procedurama osnivanja i korištenja prostornih podataka.

Uredbom je definisano da IPP FBiH sadrži podatke o nekretninama, zaštiti životne sredine, prostorno-planskim dokumentima, prometnim i telekomunikacijskim mrežama, mineralnim sirovinama i energetske izvori, režimu voda, zaštićenim nepokretnim kulturnim dobrima, prostorima od značaja za razvoj turizma i turističkim mjestima, geologiji, geofizici, meteorologiji, poljoprivredi, pedologiji, demografiji i zdravlju, industrijskim i proizvodnim kapacitetima, te ostale podatke u skladu sa INSPIRE Direktivom. Iako se IPP FBiH odnosi i na organe i organizacije kantonalne uprave, isti još uvijek nisu predstavljeni u Vijeću IPP FBiH, kojeg čini 11 članova.

Prema raspoloživim podacima, izradom Zakona umjesto Uredbe, očekuje se detaljnija razrada svih aspekata formiranja informacija prostornih podataka, a samim tim i uloge organa i organizacija kantonalne uprave. U tom smislu, podržava se inicijativa da, uz realizaciju ovih pretpostavki, Kanton Sarajevo intenzivnije poduzme korake na izradi navedene baze podataka.



- Dostaviti:
- Naslovu
  - Vlada Kantona Sarajevo
  - Evidencija
  - a/a



web: <http://mpz.ks.gov.ba>  
e-mail: [mpz@mpz.ks.gov.ba](mailto:mpz@mpz.ks.gov.ba)  
Tel: + 387 (0) 33 562-029,  
Fax: + 387 (0) 33 562-031  
Sarajevo, Reisa Džemaludina Čauševića 1

